


盛明雜劇

初集

三
公

桃花人面



盛明雜劇

山陰子若孟稱舜編

野君徐 翮

閱

西湖林宗沈 泰評

蘇卿姚士望

桃花人面

副末開場鵬鵠天

年去年來花自忙、搬將紅紫鬪

新粧、花容人面兩相似、一夜秋風、總斷腸、停歌

板、對斜陽、閑憑燕子訴興亡、昔年好事、今成夢、祇

有相思恨轉長。

笑、春風兩度桃花

題紅怨、傷心崔氏

喜成親再世姻緣

死相思癡情女子

第一齣

老父上小隱村莊處士家、春風寂寂度年華、可憐、
百歲人過半、愁看庭前樹幾花、自家姓葉、世住秦
川、於城南築小莊一座、多栽花木、爲娛老之計、自
嘆年過五旬、單生一女、生時正值桃花開後、因此
取名喚做蓁兒、幼工針黹、長頗知書、俺意欲擇一
快婿、託吾終身、迄今未嫁、好生掛懷、今日正是清
明日子、隣家請飲社酒、不免分付女孩兒去者、女

上妾今年踰二八，未獲良緣，虛度芳時，可勝惆悵。
呀，看牆內桃花又蚤開也。正是花開花落無人見。
長對東風空自憐。

沉醉東風 深晝靜，鶯聲自悄。韶華過，花色誰嬌。庭前
淑景遲，鏡裏紅顏老。鎖幽閨，烟牕寂寥。碧桃花下自
吹簫。空歎息，夢回春曉。

俺爹爹萬福，父今日隣家請俺飲酒，孩兒可閉着
莊門待咱回也。女諾同下。

生散服上。小生姓崔名護，博陵人也。自負才情，兼

饒姿韻、年當弱冠、喜得一舉進士、只恨未逢佳偶、
婚配無期、眼下春光如醉、不勝伊人一方之想、蚤
來飲酒數杯、且自踏青散悶去者、一路行來、正是
不暖、不寒、天氣半村半郭、人家暢好風景也呵、

點絳脣芳草天涯水雲烟際。香光細踏遍春堤。總是
傷心地、

混江龍斷山凝翠。小橋流水自東西。霞光新靚。霧影
淒迷。店舍無烟花滿樹。旗亭喚酒蚤涼時。遶孤村長
河如帶。映雕車細柳成帷。牽繡袂田田水荇。鋪翠褥

取境幽
肥使我
人而忘
出

漠漠江籬。俺則是閒趁香風信。馬行身遊。光入壺山。
裏過了些芳郊綺陌。曲徑幽堤。

緩步南來。離城不數里之遙。這是誰家莊院。花木
叢萃。使人觀之無盡也。

油葫蘆

野樹花攢。綉短籬。恰人住武陵溪。看誰家簾

箔低垂。寂寂春深。門掩無人至。聲聲杜宇。叫徹花前。
淚。園亭清晝長。一覺留春睡。尋芳載酒。知誰是。則俺
莽崔生。行春來到此。

俺看牆內桃花。數枝依依。可憐。

天下樂。盼牆頭微露花枝。好一似望王孫人未歸。無情花草。猶自爲相思。則俺這韶光好買也。無錢買。春恨憑誰却恨誰。只落得滿飲春風醉。

春遊無那。不覺頓生煩悶。此間門掩無人待。咱叩門。討杯水兒消渴哩。

那叱令。茅簷下喜垂垂。雙掛蛛絲。空梁上香細細。新巢燕泥。花棚下鬧孜孜。亂惹蜂鬚。碧玉小窓前。不住偷睛視。是不曾見有箇人兒。

女上云。兒家門戶尋常閉。春色綠何得入來。外面

君不見
裴航緣
分乎欲
乞金莖
須尋玉
杓

是誰叩咱門也。窺介是一箇年少書生。何緣到此。

問介扣門是誰。生問的可是女郎聲息。不免叫他

開門。小生姓崔名護。尋春到此。酒渴求飲。

鵲踏枝。俺不是待迴廊月轉低。俺不是望東牆花影

移。俺也不是夜犯星槎。俺也不是繫馬楊堤。俺只是

倦尋芳。相如病渴。因此上輕叩朱扉。

女下持水上。開門揖生介。郎君請坐。生不敢。轉科

俺看這女子妖姿媚態。綽有餘妍。可爲絕世無雙
矣。此地何地。有此殊麗。

寄生草無意裡遇仙姿。俏腰枝輕舞東風媚。俏眉梢淡寫春山字。俏聲音低送行雲細。休道是花不知名。分外嬌。可正是粧來淡處多般麗。

女作斜倚觀生科

么生真稔色。多芳韻。似巫山行雨時。剪湘波。俏眼兒。閣住的盈盈淚。步香塵。小脚兒傳出的臻臻致。裊花枝。俊龐兒打扮的嬌嬌媚。則見他幾度憑欄自想時。料應是一般景物傷人意。

生作觀女女低整衣科

元和令 生見了他佯整羅衣半含羞半偷視桃花人面畫欄西整相看不語時東風笑殢人無二蕩得咱春心不自持。

看這女郎獨倚庭柯賦情無限待小生以數言挑之何如揖科這一會還未曾請問姐姐上姓女姓葉生可有尊字麼女欲言又止科生姐姐便說何妨女小字蓁兒生芳年多少女十七歲生姐姐可曾許了人麼女不應生姐姐便說與小生知道却也何妨女作搖頭科生笑呀却好與小生一般小

生也未娶妻、小生還有一言、姐姐、你覷這半簾芳
草。色。有。餘。姿。一。樹。桃。花。笑。還。未。足。村。莊。之。內、竟無
一人爲伴、可不冷落人也、女低歎不語科

上馬嬌 生他那裡獨自把頭低、儘著胡言冶語相調
戲、却怎生不應俺一聲兒、大都來眉尖眼角傳心事、
不由人不意惹心迷、

生作辭介 小生偶到仙莊、謝姐姐、姐姐見憐、以杯水相
贈、桃花無恙、此意難忘、只恨的無緣對面、後會何
期、女作目注不應送、生回顧、女長嘆掩門介 蚤

知相見難相傍。何似今朝不相見。**女下生**呀。崔生
今日真箇奇遇也。行春到此。忽遇嬋娟。休說這芳
姿絕世。只他欲言不言。如不勝情。真使人魂消也
呵。

勝葫蘆想着您含顰不語費尋思。相看意似癡。紅艷
凝粧未可持。徘徊顧影欲行還住。聽道俺一聲去也。
思依依。

么瘦凌波款款下階墀。斜鞦鞢裙步又遲。紅生半臉。
感損雙眉。送郎不遠。還則兩心疑。

此際難
回首

柳花 / 正

後庭花相逢似有期。相別非無意。來時呵隔林啼鳥。
呼人至。去時呵水面紅塵咫尺。迷這相思訴誰知。則
除訴與天知。問您箇多情崔護。去何疾。來何遲。怕墻
內桃花也笑你。空歸非關是看花心醉。非關是中酒
情迷。想着他人倚花前笑語微。教俺夢魂兒怎去此。
小生今日可怎生回去也。舊路依然。增了新愁無
限。

賺尾 禁城邊冷落晚霞菲。野田畔寂寞暝烟迷。抵多
少塚上狐狸。歸時路比着來時更慘淒。雨花臉上吹。

朝雲林外低。無情會。倒惹下有情癡。天呵。只願得日
後的相逢也。還似此時。

第二齣

女上妾自那日偶遇崔生。人材聰俊。一見畱情。別
後思之。常忽忽若有所失。村居無伴。情思無聊。訴
我愁者。惟聞啼鳥。對我影者。唯有花枝。真好傷心
也呵。

端正好風寂寂。曙光寒。雲淡淡。烟波鎖。恁心情靚粧
濃抹。閒步庭前。數花朵。淚漬花容破。

滾繡毬芳辰來易過。新愁去轉多。遍郊亭柳眠花臥。則教我掩空閨被冷湘波。自尋思情怎那。不爭爲惜花起。早可只是對景情多。桃能紅李能白。花開有意粧嬌面。燕兒忙鶯兒懈。春老無心唱好歌。此恨如何想他相見之時。幾回顧盼。好不多情。又喜是妾還未嫁。他還未娶。兩下姻緣。似有可期。爭奈咱素昧平生。一言難訴。

倘秀才憶來時。陪笑臉雙生翠渦。寄芳心獨展秋波。說甚的人到幽期。話轉多。相見情難訴。相看恨若何。